



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 26. november 2013

J.nr.: 01.31.06/13-00643

**Aningaasaqarnermut Akileraartarnermullu Ataatsimiititaliap marlunngornermi ulloq
26. november 2013 aalajangiineranik Naalakkersuisunut ilisimatitsineq.**

**KNR-ip nuunneqarnissaanut ilassutitut aningaasaliissutissanik qinnuteqaat (suliaq nr.
01.31.06/13-00643).**

Naalakkersuisut **inassutigaat,**

- Konto pingaarnermi 40.94.17-imi, Kalaallit Nunaata Radiuanut – KNR-imut tunngasumi, aningaasaliissutit 6.700.000 kr.-inik amerlineqassasut, taakkulu suliaasamat nutaamut ”KNR-imik inissiigallarnermut” immikkut atugassiissutigineqassasut,
- Konto pingaarnermi 40.91.02-mi, siunnersuisartunik ilinniartitsinermit tunngasumi, aningaasaliissutit 1.000.000 kr.-inik ikilineqassasut,
- Konto pingaarnermi 20.11.50-imi, ingerlatsinermit sillimmatinut tunngasumi, aningaasaliissutit 3.500.000 kr.-inik ikilineqassasut, aammalu
- Konto pingaarnermi 40.90.03-mi, Namminersorlutik Oqartussat illutaannik aserfallatsaaliuinermit tunngasumi, aningaasaliissutit 2.200.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Tamanut saqqummiussisarnissamik pisussaaffeqarneq pillugu isumaqatigiissutip eqquutsineqarnissaanik qulakkeerinnittumik KNR-ip ingerlatsiinnarnissaa siunertaralugu konto pingaarnermi 40.94.17-imi, Kalaallit Nunaata Radiuanut – KNR-imut tunngasumi, aningaasaliissutit 6,7 mio. kr.-inik amerlineqarnissaat Naalakkersuisut qinnutigaat. Ininut attartukkanut nuunnissap aammalu taakku ilusilersorneqarnissaannut kiisalu teknikikkut atortulersuinissamat aningaasalersuutitut aningaasat atorneqassapput.

Suliaasaq Naalakkersuisut ilassutitut aningaasaliissuteqarnissamik qinnuteqaataannut, suliaq nr. 01.31.06/13-00621-imut, ataatsimiititaliamit ull. 21. maj 2013-imi akuerineqartumut atuummassuteqarpoq. Suliami tassani sullivinnik nakkutilliisoqarfiup peqqussutigisimavaa KNR-ip illutaata annertuumik oqoqarnera pissutigalugu sulisut 65-it tassani sulissanngitsut. Tamannarpiarlu pissutigalugu KNR sulisuminut allaffinnik allanik atugassiisussaasimavoq.

Naalakkersuisut paasissutissiipput aalajangiussseqqaarnerup kingorna paasinarsisimasoq sulisut peqqissusiannut sanilliullugu teknikikkut atortulersuutit naammaginartumik qulakkeer-neqarsinnaanngitsut.

Teknikikkut atortulersuutit nuunneqannginnerat Sullivinnik Nakkutilliisoqarfiup peqqusuteqaqqinneratigut isiginnaarutikkut kingusinnerusukku takutitsisinnaajunnaarnermik nasataqarnissaat tunngavilersuutigalugu qinnuteqaammik matuminnga nassiussinissaq Naalakkersuisut pisariaqartutut isigisimavaat. Qinnuteqaammili allassimangilaq peqqussuteqaqqit-toqarsimansoq. Naalakkersuisunilli paasissutissiissutigineqarpoq sulisut akornanni naam-magittaanneq annertusiartortoq aammalu napparsimaneq pissutigalugu sulisorpassuit takutinngitsooratarsinnaaner atarleqqutigineqarsinnaasoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit akuerineqarput.

Ataatsimiititaliap sinnerlugu

Finn Karlsen
Ataatsimiititaliap siulittaasua